

پازار ایرتسی فی ۶ ربیع الاخر ۱۳۳۰

وفی ۱۲ مارت ۱۳۲۸ سنه

|| جمعیت علمیہ اسلامیہ نیک ناسر افکاریدر ||

مدیر مسئول	سر محرر :	صاحب امتیاز :
مکتب قضاء معلمین	فاتح مجیز درس عاملین	فاتح مجیز درس عاملین
کلیسی	توقادلی	نصوح افندی زاده
منیر	مصطفی صبری	مصطفی عاصم

مندرجات

احمد شیرانی		المانیاده تدقیقات اسلامیہ جمعیتی
ابن الرحمی		چار یقوف مسئلہ سی
م . عاصف		مدنیت شرعیہ
ا . ح		ہپ احتراصات
حسن صبری		دین . علما
ظاهر المولوی		تاریخ اسلام
احمد شیرانی		الی حضرت ادیب عینتابی
عثمان نوری		بوکونکی موعظہ
		ادبیات
احمد وہبی		ترکیب بند
ع . ط		کمال نہ دیمکدر
		متفرقہ
بیطر طلبہ سندھ		تکذیب

اعلان

نسخہ سی ۱ غروش

آبونہ اجرتی (ہوستہ اجرتیہ برابر در)

ممالک اجبیہ ایچون :
۱۳۰۰۰ فراقی
» ۶,۵۰۰

استانبول وولایات ایچون :
بر سنہ لکی ۵۰ غروش
آلتی ایلنی ۲۵ »

درج اولنیمان اوراق اعادہ ایلدر

قارئلر مزہ

اکثر مقالاتہ آیات کریمہ واحادیث نبویہ درج ایدلمش بولندیفی نظراعتبارہ آلہرق رعایتسزلکدہ بولنامہ سی درج اولنور .

[توسیع طباعت] محمد حلمی وشرکاسی عدلیہ خانی نومرو ۱۹

ایسته جناب حق رضاسی بویه تحصیل اولور ، ایشته دنیانک آخرتک سرفی بویه اکتساب ایدیلر سوز ایله دکل .

ایسته اسلامیتک ، ملتک وظیفه سی بودر . نه ایچون وظیفه مزری بیلیمورزینه تکرار ایدر که دینه وطنه مللری جانمزی فدا ایتک بزه فرسدر . زیرا دین ، وطن اللهکدر . دینه وطنه معاونت ، اللهه نصرتدر (ولینصرن الله من ینصره) اللهه نصرت ایدیکز که اللهده سزه نصرت ایتسون بیوریلور . بز نیچون نصرت ایتیمورز ، بز نیچون مللری بذل ایلیمورز وطن بوکون ملتک بذل مال ایتسنه مفتقدردر . ایشته بزم وظیفه مزده مللری فدا ایتکدر . نه ایچون وظیفه مزری بیلیمورز ؟

هله بوکونلر ده وظیفه مزروحمز ، حیاتمز اولان دوننامز بتون بتون اونودلدی . اوللری برقچ آی بو بولده جریان ایدن غلیان افکار هوسات طفلانه کبی محو اولدی سوندی کیتدی . شمدی اورته یه چیقان انتخاب مسئله سی هرکسک احتراصات شخصیه سی تحریک ایدر که هرشی اونوتدیردی . هرکس بر حیت سوزله نامزدلک وضع ایدر که وکندینی موافق مخالف بر قوته استناد ایتدیردیر که بتون موجودیتی صرف ایله کیجه و کوندوز چالش منه دیکر لرینی انتخاب ایتدیر مامک ایچون حیله لر ، تشبث ایدیور بر ملتک ناظم و مریئ افکاری مطبوعات اولقی لازم کلیر کن مطبوعاتده وظیفه سی اونوتدی هفته ده درلو ناملر آلتنده انتشار ایدن یوزلرجه جرائد - بر مساک مخصوص طوتان ، بر طریق مستقیم تعقیب ایدن بعض جرائد و رسائل دینه مستثنا - فرقه مجادلاتیه شونی بونی ذم و دشنامله اشتغال وبتون ستون و سطوری احتراصاته املا ایلور .

شمدیکی محررلردن بریمی بوندن اون سنه اول ثروت فنونک بر نسخه سنده دیور دیکه [غزته بر تجارت ایشیدر ، بر (سپه کولاسیون) در] اوت دیدیکی کبی اولدی . فتحت تهاکده بولنان وطنی دینی اونودوبده ملته تلغین وظیفه

ایتموبده بویه افراد ملنی ذم ایله ، دشنام ایله بر برینه دوشمان ایتک : آرمیه اونودلماز ترقه لر ، اختلافلر کیر مسنه سبب اولق وطنه خیانتدر .

یاربی بوملته مطبوعاتنه وارنجیه قدر احتراصات شخصیه ایله بوغلوب کیتکم مقدر میدر ؟ زیرا هپ احتراصات ! وظیفه مزری بیلیمورز . اللهم اصالح اخلاق المؤمنین ، اللهم احفظ اوطان المسلمین .

ذیله ده

یوزغالدی دیوانلی زاده

۱ . حمدی

تاریخ اسلام صحائفندن

شام فتوحاتی

مابعد

الده ایتدیکی قالقانله تحفظ ایلیر که آتدینی هراوقله مطلقا بر دشمنی یره دوشور یوردی .

ایمپراطورک دامادی توما ، نامه منسوب اولان قاپینک اوستنده کی بر جک اوزر دنده طور یور ، اوکنده ده مرصع بر صلیب طوتولیوردی .

آبانک زوجه سی طرفدن آتیلان بر اوق ، صلیبی طوتان رومه اصابت ایتدیکی جهته حریف بر جک ایچنه ییقیلدی ، صلیب مرصع ده ایادی مسلمینه کچمک اوزره یره دوشدی .

توما ، صلیب اعظمک متنکساً سقوطنی کورونجه :

— صلیبک بنم المدن آلتدینی ایمپراطور طویار سه بر نه یاپارم ؟ بویه بر عار آلتنده یاشامقدنسه اولمک اولادر . دیهرک قیلنجی چکدی و :

— ایسته ین نمله کسین ، دینه ین یرنده طور سون .

نداسیله قاپنی آچدیروب دیشاری قیرلادی . معیتی ده کندیسینی تعقیب ایدر که اوراده بولوتان مجاهدین اسلامه

هجوم ایله دی . بردن بره هجومه معروض قالان مجاهدلر ، صلیبی شرجیل بن حسنه یه تسلیم ایدوب مقابله یه داواندیلر . شرجیل ، تشویقات لازمه ده بولنه رق مصادمه نی قیزیشدیردی . توما ، اطرافنه باقینوب بر جدن دوشن صلیبی آرایوردی . اوئی ، شرجیلک دست اغتنامنده کورونجه طولو دیزکین اوستنه صالدردی . شرجیلده تومانک کلیشی اوزرینه صلیبی یره آتوب مدافعه یه حاضرلاندی .

آبانک زوجهمسی تومانک صالدریشنی کوردی . ویاننده کیلره بو حریف کیمدر دییه صوردی .

— ایمپراطور هر قلک دامادی وزوجک آبانک قاتلی نومادر جوابی آلینجه (بسم الله وبرکة رسول الله صلى الله عليه وسلم) دیهرک اوقئی یابدن صالیویردی . توما ، شرجیلک یاننه واصل اولدینی صیراده اوقده کلوب کوزینسک برینه صاپلاندی . ایکنجی بر اوقده دیگر بر رومی ده ووردی . توما ، جاننک آجسیله کری چکلمه یه مجبور اولدی . مجاهدین اسلامده صولت ایدنجه روملر ایجری یه کیروب قاپنی قابادیلر وسور اوزدرندن اوقلر وطاشلر یاغدیرمایه باشلادیلر .

تومانک کوزنده کی اوق اخراج ایتک ایچین کلن خکیملر ، بر چوق اوغراشدقلری حالده چیقارامادقلرندن بیراقدیلر .

اشراف واعیانندن بعضاری تومانک یاننه کلوب کندیسینی تعزیه ایتدیلر و :

— بوکون ایکی مصیبت اوغرادق که بری صلیبک ضبطی ، دیکری سنک کوزیکه اوق صاپلانمسیدر . فقط اولجه عربلرله مصالحه ایدلم دییه سکا تکلیفده بولونمشدق او وقت قبول ایله مش اولسه یدک شیمدی بو فلاکت وقوعه کلزدی . دیدیلر .

توما ، بوسوزلره فوق العاده حدتلندی و

— یازیق سزه ! صلیب اعظم آلینیر . کوزمک بر دانه سی بو حاله قونولورده مصالحه دن بحث ایدیلیرمی

ایمپراطور . بولنری ایشیدیرسه نه عجزمه ونعفه حل ایله مزمی ؟ معافیته حرب ایده جکم . صلیبی آتقدن ماعداتک کوزمک یرینه اولنردن بیک دانه کوز چیقاراجم صوکراده حجازه کیدوب ریشرینک وجودینی قلدیراجم مملکتی خراب ایدوب وحوش و طيور بودای ییاجم ! دییه آندی طوندی .

بو طفره فروشانی متعاقب کوزی باغلی اولدینی حالده سور اوزدرینه چیقارق اوزاده بولونان مدافعینی تشجیهه باشلادی . تومانک مجروح اولدینی حالده کله سی - معیتسک مدار اجتساری اوله رق یکیدن اوق وطاش آتمایه باشلادیلر . شرجیل بن حسنه حضرترلری وقعیه یی خالد بن الولیده اخبار ایدره ک قوای معاونه ایسته دی . خالد ایشی آکلانجه حقه حمد و ثنا ایلدکدن صوکرآ :

— صلیبی ناصیل آلدیکز ؛ دییه صوردی . شرجیل مأموری

— برجک اوستنده وایمپراطورک دامادی تومانک اوکنده طوتایویردی . آبانک زوجهمسی آتدینی وقعه حاملنی اولدورنجه یره دوشدی . بز اوئی آیرکن توما ، قلعه دن چیقدی . یننه آبانک زوجهمسی بر اوقله صاغ کوزینی چیقارنجه ایجری یه قاچدی . دیدی . خالد :

— شرجیله سویله : توکل وتحمل کوسته رسین . شیمدی کندیسنه یاردیمچی کونده رمنک قابل دکل . چونکه هر بر فرقه برقانی ایله مشغول . شیدک صیقیشیرسه خبر بوللاسین . بن یاقینسدیم . ضرار بن لازورده شهرک اطرافنده دولاشیور . جوابیله مأموری اعده ایتدی .

شرجیل . بو امری آلینجه ثبات ایدره ک اقسامه قدر محاربه یه دوام ایله دی .

صلیبک اغتنامایه تومانک مجروحیتی ابو عبیده حضرترلرینک فرقه سنجه ده دویدولدینی جهته اردو کاهی بر شوق سرور قاپلادی .

کیجه چوب صباح بولونجه توما . دمشق کابری

نزدینه دعوت ایدرهك :

ای اهالی نصرانیه ! اوزره كزه بر دشمن كلدی كه ملكنلر كزی الكزدن آلیور ، اولاد وعیال كزی اسیر ایدیور . قادینلر كز جاریه لری ، چو ققار كز كوله لری اولیور . بشو حالله ناصیل تحمل ایدیورسكز . صلیب اعظم اونلر ك الله كچدی . بونك سببی نه در بیلورمیسكز مصالحیه رضا كوسته رمك صورتیه تذلی قبول ایتك نیتكدر ! دون كوزم سقطلا نماسهیدی صلیبی استرداد ایتنهجه كری دونیه جكم معافیة یاقنده مطلقا استرداد ایده جكم . دیدی . حاضرین بو سوزلره :

— قوماندان ! بز ، هر تورلو تكلیفكه راضی وهر امركه منقادز . چیقالم دیرسهك چیقارز ، حرب قومانداسنی ویریرسهك اولونجهیه قدر دو كوشورز ! جوابی ویردیله .
توما ، بو جوابه ممنون اوله رق :

— اویله ایسه بیلمش اولك كه بن بو كیجه بر باصقین یاپاجم . شهرده حرب ایده بیله جك كیم وار ایسه حاضر لانسین مأمول ایدرم كه بر ابکی ساعت ایچنده دشمنی تمیزلهرز . صوكراده كیدوب امیرلرینی اسیر ایدره و دیله دیكنی یامق اوزره امپراطوره كو تورورز . دیدی . بعده هر قانییه ایجاب ایدن عسكری تعیین ایلهرك :

— چاك صداسنی ایشیدنجه دیشارییه چیقك واوقوده یولاجفكز عربلری اكین ییجر كی بیچك ! امرینی ویردی .

مابعدی وار

طاهر المولوی

مقام مشیختك بر تعمیمی مناسبتیه

دین . علما

معلومدر كه . هر مولود . فطرت اوزره تولد ایدوب

هر شكلی قبوله وهر لون ايله تلونه مستعدر . بر مولود ، آباء واجدادندن فضائی كلیله تلقی ایده مز . چونكه اونلرده والدلرینك نشأتلری وجهله ناشیدرلر . اوالده بزى ارشاد ایدن برشی وارسه اوده آنحق دین ، حقیقتدر .

كذلك دینك ارشادی وجهله حیات طیبه ، وعیثت مرضیه ايله تمتع ایچون نفوسده دینك اثرینك تام اولسی ، آنحق رؤسای دینك — علمانك — تبیین اوامرونواهی ایدوب ناسی مقتضاسیله عمله دعوت ، وغافل وساهیلری تنبیه وتذكیره همت ایتمیلره در یوقسه علماء دین وظیفه لرنده اهمال وتهاون ایدرلرسه ، نفوسده یقینه ضعف كلوب عقول مقتضیات عقائدن ذاهل ، وشهواتك تسلطیه میزان اختیار دائماً هوی طرفنه مائل ونفس ، ملجاء وفودر ذائل اولور . علت خراب امت ایسه ایشته بودر دور آدم (ع م) دن شمیدییه قدر نیجه امتلرده آثارى مشاهده اولمش واولمقددر . نستعید بالله [قل سیروا فی الارض الح الایه ..] آیه جلیله الهیه سی بونی ناطقدر بومقدمه دن آكلاشلدینی وجهله علماء اسلام ، دین ، وحقیقت خادمیدرلر وبناء علیه وظیفه لری پك مهم . مهم اولدینی قدرده دیققدر .

أوت علماء اسلامیه نك وظائفی مهمدر . چونكه قبل جناب كبریا دن ، نستعید بالله [ولتكن منكم امة یدعون الى الخیر الح الایته ...] آیه جلیله الهیه سی ، ده برحق آیات قرآنیه واحادیث شریفه ايله « امر بالمعروف نهی عن المنكر » اوزرلرینه فرضدر . احكام الهیه ايله ابناء ملتی تذكیر ، بینلرنده روابط الفت واخوتی تحكیم ، وبعضیلرینك قبللرنده مستكن اولان یأس وقنوطی ازالهیه جهد عمیم و الطاف الهیه دن مأیوس اولنلر قبللرنده مرض ، وعقیده لرنده زیغ اولنلر اولدیغنی تفهیم ايله ، عقیده لرینی نقطه واحدهیه جمع ، ذل ومسكنتدن كندولرینی تنفیر ، ونفسلرنده روح شهامت . وعزتی تحریك ، وتنویر ایلك كی خدمات دینیة علمانك وظائفی جمله سندن در .